



偶感  
宇田川玄隨草稿断簡  
一枚

洋学文庫  
文庫 8  
G 24  
9





一男子年向不惑，長大豐肉，皮膚柔脆，平脈差浮而數，然有較異時，壯飲豪食，康健饒力，居恒運動，省而計慮繁，身體佚而心思勞，元氣弗勝其體，自少壯，臍旁有動，時時盜汗，間患淋瀝，三二年來，肥腴稍減，不若其初，先無有嗣，至而立後，薦有所生，而間短折，今茲仲夏，足跟之上，踝骨之下，微覺疼痛，其處蓋素有患，痛今則左右相易矣，其疼痛因外傳膏劑而痊也，則胃膈微發痞塞，乍作乍止之證見焉，其作覺若有物掩膈上，忝其外傳，其證則峻，季夏之月，身體小瘡為癢，間有成膿，隨施吸毒之膏，漸至全愈，後飲酒過度，及其詰朝，少有咳血，警然後不復作，爾來有時于微覺上衝，其演武技，習擊伐，氣喘息困，比曩時則較速，至雖在牀，轉側及坐立行步之際，時有一二息患促迫，然至其講把勢，修拳法，超躍斗翻，却不復爾，後一日，無故忽見結瀯之脈，經日之後，雖結瀯改遲，動輒復見結瀯，自餘飲起居平安壯健，亡有所虧，唯其中脘邊動氣適發，膿淋少作耳，不知此脈變從何而來，原因所發，虛劑所宜，其將何在。

右一篇有所為記

寬政庚戌之秋

東海

宇槐園

偶筆

